



Departement für Justiz, Sicherheit und Gesundheit Graubünden
Departament da giustia, segirezza e sanadad dal Grischun
Dipartimento di giustizia, sicurezza e sanità dei Grigioni

16347 (inditgar en la resposta)

☎ 081 257 25 13/17
✉ info@djsg.gr.ch
www.djsg.gr.ch

Departament da giustia, segirezza e sanadad
Hofgraben 5, 7000 Cuira

A las adressatas ed als adressats
tenor la glista da distribuziun

Cuira, fanadur 2021

**Consultaziun tar la Refurma da las dretgiras 3
(revisiun parziala da la Constituziun dal chantun Grischun e
revisiun totala da la Lescha davart l'organisaziun giudiziala cun ulteriuras midadas)**

Stimadas dunnas e stimads signurs

En la sessiun da zercladur 2019 ha il Cussegl grond decidì da fusiunar la Dretgira chantunala e la Dretgira administrativa ad ina dretgira, a l'uschenumnada Dretgira superiura dal chantun Grischun. La Dretgira superiura vegn ad esser cleramain pli gronda che la Dretgira chantunala resp. la Dretgira administrativa. Perquai ston vegnir stgaffidas novas structuras per la Dretgira superiura tant en il sector da la giurisdicziun sco er en il sector da l'administraziun giudiziala. Questa occasiun duai vegnir nizzegiada per installar in secretariat general. En l'avegnir duai il secretariat general liquidar las incumbensas administrativas per la Dretgira superiura tenor las instrucziuns dals organs directivs. Qua tras vegnan distgargiads las derschadras ed ils derschaders sco er l'actuariat, uschia ch'els pon sa concentrar pli fitg sin la giurisdicziun. Cun l'installaziun dal secretariat general vegn ademplita ina recumandaziun dal rapport d'examinaziun da Stalder/Uhlmann.

En il rom da quest project legislativ duai plinavant vegnir optimada la sorveglianza giudiziala, ed er la relaziun d'engaschament da las commembras e dals commembers da las autoritads giudizialas duai vegnir precisada. Per las commembras ed ils commembers da las autoritads giudizialas duain plinavant vegnir stgaffidas structuras modernas per pudair gudagnar las personas optimalas per questa incumbensa. Cun quest project legislativ duain la finala vegnir realisads ils ulteriurs conclus da princip ch'il Cussegl grond aveva preni en la sessiun da zercladur 2019 areguard l'organisaziun da las dretgiras chantunalas superiuras.

Ils documents da consultaziun pudais Vus consultar sin la pagina d'internet dal chantun (www.gr.ch > Rumantsch > Publicaziuns > Consultaziuns > Consultaziuns currentas) u dal Departament da giustia, segirezza e sanadad (www.djsg.gr.ch > Rumantsch > Publicaziuns > Consultaziuns > Consultaziuns currentas). Nus As envidain d'examinar ils documents e d'ans


trametter Vossas remartgas fin il pli tard ils **3 d'october 2021** per posta al Departament da giustia, segirezza e sanadad, Hofgraben 5, 7000 Cuira, u per e-mail ad info@djsg.gr.ch.

Nus As engraziain gia ordavant zunt fitg per l'interess che Vus demussais envers quest project e per Vossa posiziun.

Salids amicabels

DEPARTAMENT DA GIUSTIA,
SEGIREZZA E SANADAD

Il schef



Peter Peyer
Cussegliaer guvernativ

Adressatas ed adressats da la consultaziun:

- vischnancas politicas
- partidas politicas e partidas giuvnas
- corporaziuns regiunalas
- Dretgira chantunala dal Grischun
- Dretgira administrativa dal chantun Grischun
- Dretgiras regiunalas Alvra, Bernina, Engiadina Bassa/Val Müstair, Landquart, Malögia, Moesa, Partenz/Tavau, Plaun, Plessur, Surselva e Viamala
- Uffizis da mediaziun ed Autoritads da mediaziun per dumondas da locaziun Alvra, Bernina, Engiadina Bassa/Val Müstair, Landquart, Malögia, Moesa, Partenz/Tavau, Plaun, Plessur, Surselva e Viamala
- Servetsch da mediaziun tenor il dretg federal d'assicuranza sociala
- uffizis da scussiu e da concurs
- cumissiuns d'expropriaziun
- Cumissiun da surveglianza davart ils advocats
- Cumissiun da notariat
- Federaziun grischuna d'advocats
- Federaziun grischuna dals notars
- departaments da l'administraziun chantunala
- Chanzlia chantunala
- Controlla da finanzas